

ル 5
3163
1



同治甲子刊

續修東湖
縣志

板藏奎星樓

門 儿 5
號 3163
卷 1

東湖縣志原序



宋歐陽子令樊陵受事日
淺未嘗赫赫有宦蹟可紀述
而為政風流發見于詩文者
則備載于江山名跡之所以深
傳人情物理之所必散殊士風

昭和十四年
六月十七日
購求

習俗之所由僻陋又時之禮接邑
變士何參以習知荆楚遺事
後之宦楚者採撫故實皆
得本六一詩文以資攷據而
歐陽子之協恭同寅委蛇退
食表裡亦具是焉蓋不獨名

賢過化地與俱韻而已常以
鄉後學來莅茲土則

功令取彙陵為东湖已二十
有七年雖歐陽子令彙陵
時已八百年矣署之東偏絳
雲堂在焉巖麓晉靈光也自

辛巳莅官歲經三改方視事
匝月議葺城垣以固邊方邑
之紳耆漫以四大役請為領生
三廟學街渠邑志再葺皆落
成並製文紀顛末志之物葺
也席為茨其几嚴子濬多其

稿漫第彬佐其役邑紳士編
次其卷帙旁搜博引成二十
餘萬言凡歐陽子所有述于
彙陵者無不具視舊州志特
詳惟我

國家方承平百餘年陞罷改縣

物豐阜而民殷富衣冠文物
之盛非復如歐陽子所識然市
廛之雜帶水陸之險巖土著
人氏之奢靡浮寓奸猾之無
類不根則又非前此八百年之
情事也夫轉移風化之本責

救其流弊之所極故奢示以儉
而禮少興寬濟以禮而教可成
善之惡之是之非之一準諸
三代之直而道泯少一風俗
可同官斯土者惡可不取裁
于斯志歟帝愧乏經術以飾

治具而治術所發中節為難
古之循吏平生心以約事理
之宜明生識以達事理之要誠
其素以立事理之存於後表
裏始終貫徹交孚民視民聽
少與與情共見聞也士大夫

之所口道山農野老之前
指目莫非譁然而責我以
實此即安敢處構疑以增飾
浮譽露才揚已以自夸大顯
乖於斯志之取錄而歸以滋
疾惡哉夫歐陽子守官無赫

赫之名邑人至今矜私之則
皆易直子諒之心之所旁暢
也校閱新志景仰前賢不禁
廢然而知所以有返已星為

序

乾隆二十八年癸未陽月

賜同進士

初授文林郎知湖莊

東湖縣事鈔陽林有亭撰



原叙

東湖古夔陵也夔陵名始著於國策
其地托荆蜀之要山川形勝習俗剽
勁震之得其宜化之得其道類狃俗
吏之所能為之也宋歐陽文忠公嘗
莅斯土至於今已八百餘年矣而人
往往以為美譚雖循良之名未甚赫

赫其為政風流則固可想見乃吾考
公當日之來夔特因事而賤徙宋為
夔陵擇官也是宋於天下形勢之區
直鄙之為僻陋而使有眾左遷者居
之之豈公一人之不得志已耶我

國家

聖相承登三威五疆域日拓他處遐方直

省之郡邑因地設險因時制宜各有
其法夔陵州地居緊要

皇上御極之初允制樞議立宜昌府治重
之也兩州地附府城者改為東湖縣
此東湖之名所由昉也越三十有七
年西江林氏平園以進士令是縣始
輯縣志既歲事適余視學楚北按武

宜昌林尹進謁以叙請余嘉其不囿
於俗而能以文章潤色吏治也其誠
有興起於鄉先生又忠公之澤者歛
故不辭而述其略若夫山川名勝之
跡人情風土之宜仕宦文藝之著誌
載詳覈後之覽者自有以得之余不
復贅一詞矣

東湖志前令林君平園所修及
今三十七年矣板舊藏吏舍度
貯不謹遂致缺失漫漶余承乏
此邑十有餘載愬其浸傳浸壞
曰爲補綴就刊計若干頁字三
萬有奇而此志復完是書體例

槩仿蔚宗不募不支燦狀成體
昔秋帆畢大司馬謂可媿羨武
功或不誣也鄉先生張椿廷庶
使留意是書晤時輒以為言今
庶使歿矣亟於烽火搶攘間擬
戈為此聊以塞責云尔

嘉慶五年庚申仲秋湖北武昌
府通判署宜昌府東湖縣事嶺
南何學青跋



續修東湖縣志序

東湖之有志也自乾隆二十八年前邑令林君平園始至今百有餘年闕焉未有續纂者蓋放佚多矣同治元年五月大鏞銓補茲邑下車興廢振滯略有端緒乃延都人士詢及志乘且謀增輯皆色然喜顧以經費不充與歲遠採訪難稽為慮因語諸君曰誠知其難然今不

輯後益難矣乃以二事屬之諸君皆忻
躍襄事勸募得若干緡採訪亦次第續
至於是卽試院設局延監判王子壽此
部為之載筆邑中淵雅士咸預編纂而
大鏞綜其成焉按舊志體例頗詳整有
法今分門悉用之而以續採者依類比
附或有感觸則因事立論凡十月竣事
乃撮其大意序諸首簡竊惟古今之政

莫大乎善因因之大者莫先乎地與時
教令特化裁通變其間爾志者所以著
相因之迹也今卽東湖論之居楚蜀之
交扼峽門之隘形格勢禁戰守兩便此
其地與時歷今古不變者也乃若閭里
由荒寂而殷盛財貨由儉瘠而豐衍風
俗由樸而華士氣由質而文又時地之
大變於古者也今夫東湖之險不下虎

穿劍門矣咸豐間鐵牡再飛兵火所燔
郊關殆遍恃險而忘戒備無亦桑土之
謀未豫乎粵逆倡亂淮網絕而蜀鹽通
連檣接觸銜尾不絕由是百貨充物商
旅鱗集西南數千里綰轂於此為大都
會不啻昔之維揚漢皋焉然保無逐末
者日多緣南畝者日少乎都麗奇異踵
事增華吉凶相尚漸染成習能無少

其流約之以禮乎科名蔚起通華相躡
意者經術行誼與文武開濟之具當亟
講乎孝子悌弟烈士貞媛扇芬竹冊不
絕於書來者倣慕果能勉而不怠乎且
事又有大變於古者邑多山素不憂水
曩庚申夏岷江驟漲漂室廬人民無算
患生慮表安可暫忘軍興以來轉餉不
足閩帥以蜀舶所聚算緡括租碁置星


羅茲邑為多先後供餽餼約銀二十萬
以上一時權制誠不得已然杼柚之勞
可念也今之茲志凡斯之類悉皆標舉
俾為吏於茲者得所因而施教令即邦
人亦可察其變而益敦風尚其歷年既
久無從採錄者謹效闕如若夫侈山川
文物之美盛以馳騁淹洽為能者則英
流才士所務無煩有司者攘臂其間也

其流約之以禮乎科名蔚起通華相躡
意者經術行誼與文武開濟之具當亟
講乎孝子悌弟烈士貞媛扇芬竹冊不
絕於書來者倣慕果能勉而不怠乎且
事又有大變於古者邑多山素不憂水
曩庚申夏岷江驟漲漂室廬人民無算
患生慮表安可暫忘軍興以來轉餉不
足閩帥以蜀舶所聚算緡括租碁置屋

羅茲邑為多先後供餽餽約銀二十萬
以上一時權制誠不得已然籽柚之勞
可念也今之茲志凡斯之類悉皆標舉
俾為吏於茲者得所因而施教令即邦
人亦可察其變而益敦風尚其歷年既
久無從採錄者謹效闕如若夫侈山川
文物之美盛以馳騁淹洽為能者則英
流才士所務無煩有司者攘臂其間也

同治三年歲在甲子

授奉政大夫同知銜知湖北宜昌府東湖
縣事桐城金大鏞撰



續修東湖縣志序

邑之有志乘所以紀山川疆里
戶口賦役興夫政典兵防風土
人物而官其地者按籍以考即
為治之道因之誠邑宰之圭臬
也東湖志創於乾隆間邑令林

君平原百餘年來未加重輯同
治元年桐城金序之明府來宰
是邑即慨然以續修為己任因
集邦人士募賞採訪設局延王
子壽比部主蒐討不期年均已
付梓事將竣適惠奉委代庖喜
是書之通觀厥成也亟率董事
者付匠裝潢成帙計若干部夫
君子不掠人之美是役也其倡
率邑人綜理局務所為釐然有
條者皆金君殫精畢慮之所致
至邑之紳耆相與贊襄亦均能

維持廢墜有足多者諸君迺屬
余序言於簡端余方愧慕之不
暇何能贅一詞然余權斯篆得
覩其紀載以資治理是余之幸
也爰綴數語殆亦附驥名彰之
意云爾

東湖縣原志凡例八條

一東湖舊爲彝陵前明有張春州志八卷見明史藝
文志中散軼不可復得今志一編僅存稍具雌略
改縣以來年垂三紀凡官方吏治有因草損益民
風士習有奢儉貞淫動關採問當搜羅考據細大
不捐方可以徵文獻編次必先輿圖俾一展卷而
知水陸週迴之大凡山川城垣廟學街渠各景可
圖者附焉並繫以說疏其緣起期於質實切要不
尚浮夸

一沿革秩官選舉史書並皆畫表按年分格井然有

夏清野元
條然表式譜樣不必拘泥凡秩官選舉或難盡按
年月紀載但體裁大要不失中間權宜變通未妨
稍有參差前志略者詳之外者正之以正史爲主
以他書旁參之其論辨卽附各條之後至彝陵一
大鎮統轄分隸不一卽於軍政卷中另畫武秩官
表便於省覽稍異他志不嫌創立

疆域山川所以正經界定方望也東湖毗連長陽
歸州興山宜都遠安當陽南漳房縣保康九州邑
犬牙交錯必備詳其四至道里俾鄰封接壤臂指
互相聯絡首尾藉有聲援開卷了然無煩聚米至
風俗物產各以類從山則核其支幹川務究其源
流形勝攸關紀載加詳其互見古蹟者於彼詳則
於此從略以省重複

一東湖營建悉仍州舊舊志凡城垣壇壝祠廟衙舍
各役緣起悉略今增其可考者詳誌其創建年月
及建置姓名碑記文詞雅馴者收入藝文志中凡
舊有今廢尙存基址者備登於冊以俟清復惟學
校體制非他營建可例特另編次以示尊崇寺觀
則本臨川縣志附入方伎一門不令雜入營建仙
釋醫卜雜流亦不使雜入人物似爲得體

一 東湖居楚蜀咽喉自周以來夔陵軍防載在正史
可考而知

國家設立重鎮凡兵官兵制營衛之周軍裝之盛所
以壯

國威而資防守者動關邊方武備舊志名目徒具掛
漏滋多今博採諸史并申請 鎮憲檢發舊卷詳
查確鑿收入上下二卷歷代平蠻事蹟足資考鏡
民壯保甲之設以衛官民與軍政實相表裏例得
備列

一名宦取信口碑人物務準鄉評非可濫叙失實凡
文武討籍此邦宦蹟可考者雖秩有崇卑必兼收
並錄舊志失載者多悉爲補傳流寓而誤列名宦
者訂正之至本邑名賢或在或隱操行不一概以
人物統之義主微顯闡幽善善從長無所瞻徇婦
人持節守貞年例已符悉爲附載生存則暫不立
傳雖激烈過中者亦搜次收入以勵風化

一 史書藝文編載前賢著書名目分經史子集各以
類從所以尊經學重人文也郡邑志中非其文墨
之邦名集無幾不能編次成帙故多以詩賦雜著
彙收爲藝文今必於本邑實有關係足資典據者

方可收入其編卷悉照古集成式先詩賦後各體
雜錄二卷無論古人時賢必詳註引用書目別於
游談無稽或迹涉齊諧相沿已久亦姑存而不論
一部縣志書首推陸麟度儀徵縣志其體裁彷彿漢
書而化裁之新志三十卷變其形體義例參焉而
穆堂李公臨川縣志並軒謝公平江縣志岳州府
志皆所依傍聘嚴進士叙揆主其稿錢第雅成佐
之邑之名流討論而搜採之而明經楊君振世廩
學郭君江范君克任楊君可榮考索尤勤每一卷
成余與諸君商確增刪屢易其稿期於徵實取信
而燦然明備則以竣後之君子

袁陽林有席平園氏謹識

原修東湖縣志後序

王恩進

東湖舊夔陵地據長江上游西通巴蜀爲楚北咽喉周秦以來無朝不被兵革其最慘者莫甚於明季闖獻諸賊及滇逆之叛適當其衝與

王師相抗拒前後幾四五十年幸天命有歸羣寇撲滅始獲甯一志烏乎詳考之明始有張春夔陵志十卷不復可購覓康熙初州侯鮑公掇拾於煨燼之餘蒼萃成編彙爲八卷近百年於茲矣閱世旣久缺漏滋多林侯以江右名宿出宰敝邑甫下車捐廉倡首先興

廟學與古蹟之當復者傷及城郭溝衢諸大役次第就理繼乃集邑中諸子議修邑乘聘進士嚴潛菴暨文學林竹溪分任其事諸子互相讐校開局於考院公辭而侯以一人總其成政暇輒就館商榷一本虛衷踰碁而工竣將七百板視昔四倍之其體裁畧仿蔚宗後漢書而參酌時賢善本自廿二史以外廣爲摺摭不濫不遺繪圖列表別類分門垂三十卷皆前此所未有於是東湖一邑駸駸乎文獻之足徵已書成余門人楊生振世郭生江者述侯之意相繼請曰是不可無一言余老病歸休雖無能爲役未嘗不率先父老扶杖以觀新志之成也昔歐陽子令夔陵時隨地盡力觀其再與尹師魯書則知五代史之作實草創於此其時值同年丁元珍爲判官又有里人何參輩多識荆楚故事使稍寬以歲月未必不於夔陵有所撰述惜甫一周遽移乾德軍以去中間復有河南之行計蒞宮纔八閱月耳乃以其全集考之得公詩文已三四十篇無非關風教者余不敏承乏廬陵忝爲公桑梓長官凡六載愧不能以公之治夔陵者治廬陵今侯來于公之鄉獨以公之治夔陵而未盡

東坡先生
施於夔陵者治東湖是亦歐陽而已矣若夫旨遠
詞文粹然儒者之言則亦歐陽子五代史之遺音
也志云乎哉因重遠侯意謹綴數語于簡末并以
塞楊郭兩生之請且誌余愧云

旨

乾隆二十八年癸未陽月撰

乾隆二十八年歲在癸未

賜進士出身工科給事中據督湖北學政

武厚朱丕烈撰

序

預修及在局各姓氏

補圖

文昌宮

墨池書院

六一書院

疆域總圖

東湖縣原志目錄

卷一

輿圖

縣疆域圖
縣溝渠圖
縣各景圖
各圖說附

縣山川圖
縣文廟圖

縣城垣圖
縣官廨圖

卷二

天文

星野
翼宿考
氣侯
禳祥

卷三

沿革

表攷

卷四

疆域上

疆域
形勝
神壩

舖分
蓬

村

莊

坪

坂

關 舖遞 驛遞

卷五

疆域下 風俗 物產附

卷六

山川 山 巖 石 洞 培 磯 壩 臺 園
堤 江 峽 灘 磧 湖 溪 河 泉
池 堰 渡

卷七

學校 祀典附 學額 書籍 樂器
書院 學租

卷八

古蹟 邑紳別業附

卷九

營建 城池 廨署 倉廩 街巷 街渠 坊井
坊表 雜建附

卷十

祠祀 祠祀考 壇壝 祀典附
祭品 祠廟附

卷十一

賦役 戶口 田賦 起運 存畱 扣裁 雜課
附 雜稅 屯田附 惠政附 鹽課

卷十二

秩官 官制攷 裁缺
表

卷十三

選舉科目攷表
鄉飲賓附

卷十四

軍政上 軍防 兵官 兵制 軍器 營房
教場 戰艦附 保甲附

卷十五

軍政下 武職 秩官表 戰守附
平蠻 事蹟附

卷十六

名宦 流寓附

卷十七

人物 列女附

卷十八

方伎 術伎 仙釋
寺觀附

卷十九

藝文一 四言古詩
五言古詩

卷二十

藝文二 七言古詩

卷二十一

藝文三 五言律詩

卷二十二

藝文四 七言律詩

卷二十三

東明縣志 卷二十三 藝文四 七言律詩

藝文五 五絕 五排 七絕 七排

卷二十四

藝文六 賦 書

卷二十五

藝文七 記

卷二十六

藝文八 記

卷二十七

藝文九 序 跋

卷二十八

藝文十 雜文

卷二十九

雜錄 上

卷三十

雜錄 下

原任東湖縣志姓氏

三修

東湖縣知縣林有席平園江西分宜人壬申進士

協修

東湖縣學教諭萬綿祖黃岡舉人

東湖縣學訓導趙汝揚江陵歲貢

編纂

丁丑科進士嚴思濬潛庵江西分宜人

袁州府學廩生林有彬竹溪分宜縣人

參訂

廬陵縣 縣王恩進邑人

分編

府學 歲貢楊振世邑人

府學 歲貢黃世鼎邑人

府學 生員張旼邑人

府學 生范克任邑人

縣學 廩生郭江邑人

縣學 廩生楊可榮邑人

考輯

南興化縣知縣林思誠邑人

陝西涇陽縣知縣羅崇德邑人

蘄州學 正汪國鼎邑人

庚午科舉 人魯夢元邑人

庚辰科舉 人張繼辛邑人

甲子科武舉 朱愷邑人

監生 何遠邑人

採訪

縣學 生員王懷達邑人

縣學 生員王聖明邑人

縣學 生員王治邑人

宜昌訓術向宗楫邑人

繪圖

府學生員郭聖章邑人

縣學生員馬希駁邑人

篆文

府學生員王世字邑人

督刊

東湖縣典史董道恆山陰人

分宜縣生員趙文春光若

府學生員郭聖裔邑人

續修東湖縣志姓氏

主修

同知銜東湖縣知縣金大鏞安徽桐城人

協修

東湖縣學教諭靖郁恆黃岡舉人

編纂

刑部廣西清吏司主事王柏心監利人甲辰科進士

監局

六品銜河南候補從九品劉爲楨安徽桐城人監生

參訂

東湖縣志卷之一姓氏

即選訓 導馬毓桂歲貢

鹽知 事王德振縣學文生

提舉銜候選知縣儘先教諭傅文煊乙酉拔貢

分編

中書科中 書饒善麟縣學文生

光祿寺署正銜分缺先用訓導羅啟炳邑附貢生

縣學廩 生王榮奎

縣學生 員羅成銑

考輯

前署湖南龍陽縣知縣年科同考試官傅文煜癸卯舉人

太常寺博 士唐秉意附貢

候選訓 導孫可欽附貢

王戌 恩科解 元王賡颺

採訪

候選 州 同王春元恩貢

揀選知縣大挑二等即補教諭李運北辛亥舉人

候選訓 導魯先榜歲貢

候選府經 歷閻大忠

監 生楊發楷

州 同 銜閻大廉

國子監典簿 銜劉炳德

儘先選用知縣傅升運

監生高炳儒

縣學生員羅文漢

六品銜縣學生員黃道緒

鹽知事孫可政

壬戌恩科舉人李國銀

府學廩生梅步瀛

監生王宏渭

同知銜王基麟

貢

武生陳朝龍

監生黃運昌

監生王德撰

監生羅啟增

縣學武生王宏俊

縣學增貢生毛有本

縣學歲貢余文斌

縣學優廩生覃長雲

府學廩生張行忠

縣學廩生楊象九

縣學廩生王宏魁

縣學生員陳啟壽

繪圖

監生譚開鏡

篆文

縣學生員楊蔚春

督刊

東湖縣典史劉希亮山東蓬萊人

武昌縣學訓導候補員外郎王德藩邑增貢生

議叙府知事陳正平

縣學生員王廷鸞

候選同知顧棣華

監生施天鍾

監貢生羅思彬福建人

監生羅德蘋福建人

校對


即選訓導劉學泗歲貢

黃梅縣學訓導張珮歲貢

即選訓導陳濟川歲貢

縣	縣	縣	縣	縣	縣	縣
學	學	學	學	學	學	學
生	生	生	生	附	生	廩
員黃學瀛	員覃泳發	員王升庸	員趙崇晉	貢王宏度	員王大權	生劉必懋

歸德府
通志
城圖




東湖縣境南北距三百二十五里東西距一百里
 截長補短週迴約五百餘里居民依山傍巖村落
 相望分列三十八舖舖各有界若驛站若塘汎水
 陸道途之所經市廛墟里之所駐圖並略焉入其
 境披覽參稽瞭若列眉但地關要衝西陵峽口前
 此寇盜竊據負隅走險自秦迄明史不絕書我
 朝德教漸濡剪除荆棘黃牛查波浪靜波平相垂
 百餘年觀斯圖者可覆按而得規畫之宜已疆
 域

通疆域

總圖

疆域鋪分總圖 每格計三十里



東河縣志

卷之七

疆域總圖

口

西縣至北至坊鋪接遠

來江

縣西至河西鋪接長陽縣界一百里

縣西南至西龍鋪接長陽縣界五十里

界五十七里

界一百二十里

界一百二十里

界十五里

縣北至北至坊鋪接遠

界一百二十里

界一百二十里

縣南至高陸鋪接石馬至南縣


縣東至天峯鋪接當陽縣界九十里



縣東至天峯鋪接當陽縣界九十里

縣東南至高陸鋪接石馬至南縣

縣東南至高陸鋪接石馬至南縣

東湖舖分舊圖在疆域中未著道里且其後頗有增析夫村落走集道路迂直之數皆徵發期會與師旅戰守所必經爲令者周知曲折然後賦政圖功悉中揆度周官土訓之道地圖誦訓之道方志蓋此意也非是則暗室面牆戶庭之外且不察况四境之遙哉今圖皆分方計里庶廣舊志所未及








蜀道三千峽路一線邑當水陸之衝此天之所以設險開
城也自黃牛明月諸峽插天峭削歷南津關始爨下走八
十里荆門虎牙並峙爭雄大江貫注其中江左諸山自雍
之終南歷蟠冢踰南漳遠安入州之北界為馬鞍山南折
至東山融為縣治西北如石鼻天柱東南如荆門天臺執
笏其尤著者水若羅佃下牢姜詩長橋臨江諸溪雖同注
於江而竟委窮源遠近不一村落居民水耕火耨相山水
之宜以自衛其生官斯土者覽茲圖籍將何以聯屬其形
氣流通其血脉與圖山水

歸州城
垣圖






城址地脈來自東山由東北城迤邐而入相傳郭景純流寓時所相度前代城無定處至宋時復移江左卽今址也元明因之鎮境巨其北葛道竦其南上納金沙岷山數千里之水爲城襟帶而荆門虎牙諸山關鍵其外形勢雄秀傑出儼然一名都會全城衙署祠廟里舍廛肆罔不備載而地脈之旺東主發生南屬長養觀邑中向背之宜商車中富教之策是在責寄專城者圖城垣








縣署自咸豐間一再被兵解舍悉付焚如稍完者僅東西書房而已其後次第葺治內而堂皇外而科房旁而廡舍皆翦荆棘除瓦礫而經營之者也視曩制頗有增損故取舊圖改繪之








環城地址平衍十餘里無深渠巨瀆以洩水勢舊開五大壩以疏之兼開諸小壩匯大壩以並達於江居民利焉年久淤塞浸淫蒸濕必資開浚然疏溝必先修街以街高於民居故也余首倡是役紳士咸樂飲之乃舉諸古溝疏剔不遺餘力如血脉流通神氣自旺咸受爽塏之宜繪為是圖詳其原委經絡並街衢塗巷其諸書所謂王道蕩蕩王道平平者與圖溝衢





東泃縣志 卷之二
 唐詔泃縣立先聖廟宋崇甯詔泃縣皆卽廟建學爾
 時泃治遷徙無定廟址亦無可考至明洪武詔天下
 建學此泃廟學所由始也前代泃人士蒸濡陶淑人
 文蔚起節義炳然至今不衰我朝雍正十三年易
 泃爲縣廟學未加重新余下車釋奠始與邑人士謀
 興斯役記其事編藝文志茲復詳繪爲圖凡大成殿
 兩廡戟門泮池櫺星門以及崇聖宮明倫堂兩齋舍
 尊經閣具詳焉重廟制尊聖教也而教尙未遑當次
 第而圖度之圖文廟







文昌宮之建久矣舊有節烈祠當其前
形家謂面峯不露非所宜也都人士乃
移祠他所更拓宮而大之蔚為壯觀建
奎星樓於門內遠攬近挹靈秀奔輳由
是高科上第如雲而起矣以其為輔助
地氣煥啟人文也故圖之昔無今有

聖

德



壽

臨





東湖縣志 卷一
墨池書院自前太守仲蘇程公重葺而後規模甚壯籌膏火廣造就條目備具矣雖闔郡生皆太守親課然地隸東湖又往與六一書院分合不常且得名原於景純尤勝蹟之卓卓者也宜著之圖以示久遠昔無圖今補之

東湖書院






六一書院者景賢造士之區也昔歐陽公以
雄詞直節謫居是邦後人愛而慕之建書院
祀公且聚英髦絃誦其中歲久頽廢蓋名存
而實亡矣道光時乃合捐貲大加修治邑中
多士講貫有所而令尹按月親詣校課焉夫
敷教以士林爲首况茲地尤爲宗仰名賢樂
羣敬業之所者哉圖之以補舊志所無

爾雅
臺圖



郭璞註爾雅處相傳城西隅卽其舊址攷璞
 爲宏農太守判官知世將亂避地東南或因
 此而寄寓歟抑其父爲建平太守建平接宜
 都郡或隨父任而寄寓歟爾雅列於諸經得
 璞註益明滄桑叠改名勝久湮余從邑士夫
 請兩經其地雖臺荒池廢猶得踪跡而清復
 之此都人士知中央土脉鍾靈據勝與前賢
 傳註共有千古登臺攬勝其益慨然於蟲魚
 瑣屑皆關經學也夫圖爾雅臺





地僻遲春節風清變物華東山之節候也翠
 蘚蒼崖生古木綠蘿盤石暗深溪東山之景
 物也寺外一亭臨小池有山如屏環之頗佳
 東山之形勝也自歐陸留題茲山愈以不朽
 且山爲郡枕環帶江左面川峽而背荆門唐
 時建寺宇其上以配江之南葛道山山象爲
 木木旺於東從此生火生土生生不已則茲
 山爲邑城之主也固宜圖東山寺


西陵山圖
 西陵山圖
 西陵山圖



西陵居蜀山之尾三峽之始相傳卽古夔山
 又曰西陵峽從川江來者數千里層岩複嶂
 日光一線至此忽爲開朗此形勝之最奇者
 昔漢昭烈帝北取漢中卽東爭夔陵論者謂
 得保蜀之宜若公孫述之浮橋吳人之鐵鎖
 不恃德而恃險以至烈炬晝燃大筏直衝形
 勢終不可保他如張吳諸賊悉負此峽終歸
 熄滅迄今憑弔遺跡斷壘荒臺燐青火赤亦
 足資考鏡而增流連云圖西陵山

黃牛峽圖

黃牛峽圖



峽之險匪一而黃牛爲最武侯謂亂石排
 空驚濤拍岸斂巨石於江中又曰神像影
 現猶有董工開導之勢因而興復大禹神
 廟數千載如新凡舟人上下必艤泊江岸
 禱祀而祝醮酒屠豕鼓鼙夔夔弗絕而欸乃
 竹枝之聲絡繹響應信峽中勝概古謠云
 朝見黃牛暮見黃牛三朝三暮黃牛如故
 其奇險盡之矣圖黃牛峽

峽 武
 洞 徒

東胡縣志 卷之三 遊洞圖





廿




東胡縣志 卷之三 遊洞圖

三遊洞者何唐白樂天及弟知退元微之遊
 此名緣以始也後之遊者不更僕數矣洞背
 大江面下牢溪深十餘丈廣如之稍前列三
 柱外則豁然軒開上竦霄漢下瞰深谷翠屏
 前列萬丈壁立殘壘荒塹斷續嵯峩鶻吻猿
 嘯響振澗壑每於雨歇雲銷而瀟颯潺湲之
 聲與洞中石鼓石鐘相應儼然意遠如起昔
 賢而晤對也已圖三遊洞







赤磯爲步闡故城面西壩而負北壇磯嘴
 插入江底水勢旋折紆洄經至喜亭而會
 大江其兩岸居民業漁生涯往來於洪濤
 巨浸中叩柁擊楫天真豁露攜魚就市挈
 榼提壺相與共飲於赤磯之上竹笛洞簫
 川鳴谷應真太平幸民也官斯土者悠然
 有餘思矣圖古赤磯今沒於江然圖不
 可廢也故仍之







距城下游十五里爲青草灘灘之南爲五隴葛道峙其左執笏環其右溪水貫其中從溪而入者彷彿桃源探武陵故事也其間村落參差樹林蔭翳凌晨薄暮嵐霞撲地莫識津涯迨清風徐起微烟縹緲獨裊晴空碧峰淡掃如黛春華踈密秋色丹黃選勝者每低徊流連而不能置圖五隴山







峽中多奇石蝦蟆培尤昂然踞絕壁下臨大江
 側頤頷口吻絕類培負一洞泉泠泠從洞出垂
 口鼻間散成水簾卽陸羽所品第四泉者是稍
 東一石崖可坐十餘人汲泉烹茗亦峽中韵事
 隔岸爲黃頰洞傳聞通當陽之玉泉山泉與培
 相峙稍下爲扇子峽西爲天柱峯當夫哀猿長
 嘯野鶴橫江正秋氣森蕭時也騷客羈人登眺
 斯培能無起懷鄉之思矣乎圖蝦蟆培





縣西南三十里近筐覆山有洞豁然天開舊
 有兩石下垂如門故名石門洞石罅中清泉
 流出潞而爲潭冬溫夏涼旁一小石洞勢蜿蜒
 如游龍繞潭而昂其首土人廟祀之歲旱
 往禱應念輒雨又呼爲靈洞雷思霈所謂衆
 龍居之雩雨輒應者也夫山巖石穴嵌空離
 奇僅足供隱流搜剔而茲洞能出雲降雨應
 居民之請膏澤下土以衛其生尤於禱祀爲
 宜圖石門洞





荆門卽古江關楚西塞也自劍南崇岡複嶂
夾江而下至夔山其勢稍殺融爲郡城而荆
門重關其外上收蜀道三千之雄下鎖夔陵
一方之局所謂羣山萬壑赴荆門者也山列
十二峯象十二背其以門命名者或曰與江
左虎牙相對若門戶然又曰峯上有門上合
下開以此得名舟行望此石虹下垂中空形
如偃月舟子僉呼曰仙人橋吞三峽而障西
楚不誠東湖下游一扼要歟圖荆門山

